

Mirsad Đugum

1. Nezadovoljan dobivenim odgovorom na pitanja postavljena na 61. sjednici Predstavničkog doma, održanoj 30.12.2013., uputio urgenciju Agenciji za lijekove i medicinska sredstva BiH. Pitanja glase:
 1. “Molim da mi se dostavi odgovor da li su, saglasno Pravilniku o načinu kontrole cijena lijekova, načinom oblikovanja cijena lijekova i načinom izvještavanja o cijenama lijekova u BiH (“Službeni glasnik BiH”, broj 82/11) utvrđene referentne i komparativne cijene lijekova koje se nalaze na esencijalnim listama lijekova, a koje se finansiraju na teret obaveznog zdravstvenog osiguranja u oba entiteta i Brčko Distriktu BiH, na koji način su one utvrđene i mišljenje Agencije da li su one utvrđene u skladu s važećim zakonima i pratećim propisima? Molim da se odgovor na ovo pitanje dostavi i predsjedavajućem i članovima Vijeća ministara BiH.”
 2. “Molimo da Agencija za lijekove i medicinska sredstva dostavi izračun komparativnih cijena u skladu s članom 5. Pravilnika o načinu kontrole cijena lijekova, načinu oblikovanja cijena lijekova i načinu izvještavanja o cijenama lijekova u BiH (“Službeni glasnik BiH”, broj 82/11). Molim da se odgovor na ovo pitanje dostavi i predsjedavajućem i članovima Vijeća ministara BiH.”
 3. “S obzirom na navedene činjenice (u obrazloženju), tražim od Agencije za lijekove i medicinska sredstva BiH da, u roku od 30 dana, dostavi komparativnu analizu listi lijekova koje se finansiraju na teret obaveznog zdravstvenog osiguranja u FBiH, Republici Srpskoj i Brčko Distriktu BiH, tako da se za sve lijekove na listama entiteta i Brčko Distrikta BiH pojedinačno iskaže visina cijena i procentualno komparativne razlike u cijenama lijekova (plus i minus) između navedenih listi. Molim da se odgovor na ovo pitanje dostavi i predsjedavajućem i članovima Vijeća ministara BiH.”
 4. “Kako je moguće da se cijene lijekova na entitetskom nivou razlikuju u značajnom omjeru, ako je navedenim zakonskim propisima (u obrazloženju) utvrđena obaveza utvrđivanja esencijalne liste lijekova u BiH, kontrole cijene lijekova sa esencijalne liste, te dostupnost i jednak pristup lijekovima po pristupačnim cijenama na teritoriji cijele Bosne i Hercegovine?”
2. Nezadovoljan dobivenim odgovorom Vijeća ministara BiH na pitanja postavljena na 50. sjednici Predstavničkog doma, održanoj 18. 7. 2013., postavio pitanje Ministarstvu civilnih poslova BiH:

„U vezi s Vašim aktom broj: 08-31-2-1973-JD/14, od 16.1.2014., kojim me obavještavate o mojoj inicijativi za izradu Strategije reforme zdravstvenog sistema u BiH, a koju je Predstavnički doma Parlamentarne skupštine BiH usvojio, tražim da mi dostavite pravno tumačenje vezano za izradu pomenute strategije. Informaciju u vezi s tom inicijativom i zaključkom Predstavničkog doma Parlamentarne skupštine BiH, koju mi je dostavilo Ministarstvo civilnih poslova BiH, smatram površnom, nepotpunom i bez pravnog osnova, te da nije u skladu sa zakonskim ovlaštenjima koje ima Ministarstvo civilnih poslova BiH.“
3. Nezadovoljan dobivenim odgovorom Vijeća ministara BiH na pitanja postavljena na 50. sjednici Predstavničkog doma, održanoj 18. 7. 2013., postavio pitanje generalnom sekretaru Vijeća ministara BiH. Pitanje glasi:

„U vezi s Vašim aktom broj: 05-07-1-2773-2/13, od 27.1.2014., kojim me obavještavate o mojoj inicijativi za izradu Strategije reforme zdravstvenog sistema u BiH, a koju je Predstavnički doma Parlamentarne skupštine BiH usvojio, tražim da mi dostavite pravno tumačenje vezano za izradu pomenute strategije. Infomraciju u vezi sa tom inicijativom i zaključkom Predstavničkog doma Parlamentarne skupštine BiH, koju mi je dostavilo Ministarstvo civilnih poslova BiH, smatram površnom, nepotpunom i bez

pravnog osnova, te da nije u skladu sa zakonskim ovlaštenjima koje ima Ministarstvo civilnih poslova BiH.“